

Kuba Parlamento debatas tri novajn leĝoprojektojn



Foto. Cubadebate

Havano, maj 15 (RHK La Nacia Asembleo de la Popola Povo de Kubo (Parlamento) debatas ĉi-dimanĝe tri projektojn de novaj leĝoj, ligitaj al la jura kaj konstitucia ordo de la lando.

Kunvenante en la kvina eksterordinara sesio de la naŭa leĝdona periodo, en la Kongresejo en Havano, la parlamentanoj analizas la proponojn pri la Punkodo, la Leĝo pri Kriminala Devigo kaj la regularo por Protekto de Konstituciaj Rajtoj.

Pri la leĝaroj sin esprimos ankaŭ la konstanta laborkomisiono de la Asembleo, kiu okupiĝas pri Konstituciaj kaj Juraj Aferoj.

Antaŭtage, la Parlamento aprobis aliajn tri leĝojn: tiujn rilatajn al Nutraŭa Suvereneco kaj Nutraŭa kaj Nutra Sekureco, al Protekto de Personaj Datumoj, kaj tiu de la Sistemo de Naturaj Rimedoj kaj Medio.

La deputitoj, krome, ricevis informojn pri la popola konsulta procezo de la projekto de Kodo de Familioj, okazinta de februaro ĝis aprilo de ĉi tiu jaro, en kiu partoprenis pli ol ses milionoj da homoj, kiuj faris ĉirkaŭ 434 mil 860 proponojn.

La prezidantino de la Nacia Elekta Komisiono, Alina Balseiro, anoncis, ke ĉirkaŭ 60 % de la prilaboritaj kriterioj estis pozitivaj, kaj precizigis, ke inter la titoloj, kiuj estigis la plej multajn opiniojn, estis tiuj rilataj al

geedzi?o, gepatra respondecu, adopto, solidara gravedeco kaj progresema a?tonomeco.

La Ministro de Justico, Oscar Silvera, diris nome de la redakta komisiono, ke la fina versio de la le?o estos transdonita al la Parlamento fine de la venonta junio.

Fonto: PL

<https://www.radiohc.cu/eo/noticias/nacionales/287878-kuba-parlamento-debatas-tri-novajn-legoprojektojn>



Radio Habana Cuba